



A K T A

Udalbatza eratzeko bilkura

EGUNA: 2003ko ekainaren 14a

LEKUA: Udaletxeko Udalbatzarraren aretoa.

DEIALDIA: Lehena **HASIERA-ORDUA:** 08:10 **AMAIERA-ORDUA:** 08:20

BERTARATUAK: **Alkatea funtziotan**

Mirari Arruabarrena Elizalde

Zinegotzi hautatuak

Eneko Olariaga Arruti, Eugenio Cotado Iturain, Noemi Ostolaza Arkauz, Andoni Sarasua Oliden, Maria Elena Legarra Alfaro, M. Jose San Sebastian Aranburu, Ramon Etxeberria Aldaz, Martxiel Genoba Solaberrieta, Aurora Azkue Mujika eta Jesus Jose Rodriguez Pousa.

Idazkari-Kontuhartzailea

Jon Carrera Jauregi

Aztergai zerrenda

- 1.- Adin-mahaia eratzea.
- 2.- Udalbatza eratzea.
- 3.- Alkatea aukeratzea.



Esan-eginak

1.- ADIN-MAHAIA ERATZEA.

Ekainaren 19ko 5/1985 lege organikoaren 195.2 artikulua dioenari jarraituz, zinegotzi-agiriak idazkaritzari eman ondoren, bertaratutako zinegotzietan zein den gazteena eta zein zaharrena aztertu egin da, bi zinegotzi horiek adin-mahaia osa dezaten, udal idazkariarekin batera. Adin-mahaia, beraz, honela osatuta geratzen da:

- Mahaiburua: Ramon Etxeberria Aldaz jauna, 65 urte, zinegotzi hautatu zaharrena.
- Maria Jose San Sebastian Aranburu, 25 urte, zinegotzi hautatu gazteena.
- Idazkaria: Jon Carrera Jauregi, bilkura honetako idazkari ere badena.

2.- UDALBATZA ERATZEA.

Adin-mahaiak zinegotzi agiriak aztertu ditu, eta baita eskualdeko hauteskunde batzordeak udaletxera bidalitako ziurtagiriak ere, zinegotzi agiriak eta ziurtagiriak bat datozela frogatzeko.

Horren ondoren, zinegotziek zin egin edo agindu dute zintzo betetzeko dituztela bere karguari dagozkion obligazioak, Erregeari leial, eta Konstituzioa zaindu eta zainaraziko dutela estatuaren arau nagusizat.

Horrenbestez, zinegotzi guztien gehiengo osoa bilkuran dagoela, adin-mahaiak eratutzat jo du Udalbatza.

Jarraian, idazkariak kutzako kontaketa agiria Udalak dirutan nahiz baloretan duen balioen ziurtagiriak eta ondarearen inbentarioa aurkeztu dizkio Udalbatzari, zinegotziek azter dezaten.

3.- ALKATEA AUKERATZEA.

Ekainaren 19ko 5/1985 lege organikoaren 196. artikuluari jarraituz, adin-mahaiak alkatea aukeratzeko baldintzak gogorarazi ditu:

- Zinegotzi diren zerrendaburu guztiak dira hautagai.
- Zinegotzi hautatu guztiak dira hautesle.



— Aukeraketa txartel sekreturen bidez egingo da.

— Botoen legezko gehiengo absolutua lortzen duen hautagaia izango da hautatua; beraz, gutxienez, 6 boto lortu beharko dira.

— Inork ez badu botazio honetan gehiengo absolutua lortzen, automatikoki aldarrikatuko da alkate boto kopururik handiena lortu duen zerrendaburu den zinegotzi hautatua. Enpatea gertatuz gero, zozketa bidez erabakiko da.

Informe honen ondoren eta gai honi buruz ditugun aurrekinetan oinarrituz, alkategai izendatzen dira ondoko zinegotzi hautatuak:

— Mirari Arruabarrena Elizalde andrea, EAJ-PNV/EA koalizioko zerrendaburu dena.

— Jesus Jose Rodriguez Pousa jauna, PSE-EE (PSOE) alderdiko zerrendaburu dena.

Idazkariak txartela ematen dio, zurian, hautesle bakoitzari, adieraziz bertan jarri behar dituela alkate izateko bere botoa ematen dion zinegotziaren izen-deiturak, eta txartela doblatuta entregatzeko.

Behin txartel guztiak jaso ondoren, botoen kontaketa egiten da eta idazkariak ozen irakurtzen ditu alkate izateko txartel bakoitzean proposatu den zinegotziaren izen-deiturak, honako emaitzarekin:

— Mirari Arruabarrena Elizalde, 10 boto.

— Jesus Jose Rodriguez Pousa, boto bat.

Idazkariak bertan daudenei txartel guztiak eta egindako eragiketa aritmetikoa egiaztatzeko aukera ematen die. Ondoren, txartelak puskatu egiten dira.

Botazioaren emaitza ikusita, Mirari Arruabarrena Elizalde zinegotzi hautagaia aldarrikatzen da Udal honetako alkate, boto gehien berak lortu dituelako —10 boto, hain zuzen—, legezko gehiengo absolutua osatuz.

Jarraian, Mirari Arruabarrena Elizalde zinegotzi hautatuak adierazten du onartu egiten duela Udaleko alkate kargua eta, hauteskunde legeriak ezarritako formularen arabera promesa egin ondoren, karguaren jabetza hartzen du Udalbatzarraren aurrean. Kargua edukitzeak barnean hartzen ditu indarrean dauden xedapenek ematen dizkioten prerrogatiba, eskubide eta obligazio guztiak.

Ondoren, Idazkariak Udalbatzarrari adierazten dio eta hau jakinaren gainean gelditzen da, zinegotzi hautatuetatik zeintzuk egin duten interesen eta jardueren aitorpena; honako hauek dira:

Mirari Arruabarrena Elizalde, Eneko Olariaga Arruti, Eugenio Cotado Iturain, Noemi Ostolaza Arkauz, Andoni Sarasua Oliben, Maria Elena Legarra Alfaro, M. Jose San



ORIOKO UDALA
ORIO (GIPUZKOA)

Udalbatza eratzeko bilkurako akta • 2003/06/14

Sebastian Aranburu, Ramon Etxeberria Aldaz, Martxiel Genoba Solaberrieta, Aurora Azkue Mujika eta Jesus Jose Rodriguez Pousa.

Era berean, idazkariak honako honen berri ematen dio Udalbatzarrari: zinegotzi hautatu guztiek egin dutela dagokien bateraezintasun arrazoien aitortpena.

Jakinarazten du, baita ere, aitorten horiek inskribatuak izan direla horretarako prestatu diren erregistroetan.

Horrenbestez, bilkurari amaiera ematen zaio eta, erabakitakoa jasota gera dadin, nik, Idazkaria naizenez, akta hau egiten dut Alkatearen ontzat emanarekin.

ALKATE-PRESIDENTEA

IDAZKARIA,